

IN FVNERE
S C I P I O N I S
C O B E L L V T I I
S. R. E. C A R D I N A L I S,
T I T. S. S V S A N N Æ
O R A T I O
A N G E L I G A L L V C C I I
E S O C I E T A T E I E S V.

*Habita Romæ in Templo Domus Professæ
eiusdem Societatis.*



ROMÆ, Ex Typographia Francisci Corbelletti. MDCXXVI.

SUPERIORVM PERMISSV.

Op. 11

THE
SCHOOL


OF THE
CITY OF NEW YORK

AND
THE DISTRICT OF COLUMBIA

FOR THE
YEAR 1880

THE
SCHOOL
OF THE
CITY OF NEW YORK
AND THE DISTRICT OF COLUMBIA
FOR THE
YEAR 1880

THE
SCHOOL
OF THE
CITY OF NEW YORK
AND THE DISTRICT OF COLUMBIA
FOR THE
YEAR 1880



ILLVSTRISSIMIS
VITERBII
CONSERVATORIBVS



VITERBIENSE COLLEGIUM
SOCIETATIS IESV FEL.



EXTINCTVM non ita pri-
dem Vrbis vestra splendorem, sa-
lutis nostrae praesidium, SCIPIO-
NEM, S. Susanna Cardina-
lem; semel à nobis Roma, iterum
Viterbij, nunquam tamen, et
nusquam satis debitis parentalibus
deploratum, ut immortaliter in
toto terrarum orbe lugeremus, orationem hanc, in eius Roma-
no funere habitam, regionum immensitati, typorum aterni-
tati destinauimus. Ut vero una, eademque opera testifi-
caremur et nationibus vniuersis, et consequentium posteri-
tati saeculorum, quantum beneficentiae quoque vestrae debea-
mus; vestri Ciuis Optimi, Maximique laudibus vestrum
nomen praescribere decreuimus. Quo fiet, ut nemo Principis

integerrimi virtutes hîc adumbratas relegat, & pernoſcat; quin ſimul perſpectam habeat religioſam in nos humanitatem veſtram. Vos enim unâ cum eo parentes agnoſcimus, & ſalutamus: imò vos hoc maximè tempore tali nomine colimus, ac veneramur, quo benigniſſimo illo patre orbatî, ac deſtituti pupilli ſumus. Et quando Cardinalem COBELLIVM olim in terris, nunc, vti ſperamus, in celo præſidem & veſtrum, & noſtrum reddimus vobis in hac virtutum ipſius commemoratione ſpirantem; reddite vos eundem nobis in veſtri patrociniî benignitate viuentem, atque ex ipſa morte in benevolentia veſtrâ immortalitate ſuperſtitem. Ad felicitatem publicam diu valete.





ORATIO.



AVDANTIS equidem partes, an
potius lacrymantis, Præsules Illustris-
simi, cæterique Auditores ornatissimi,
hodierna sim acturus luce; quæ nata
de mortis umbra, multum instar pa-
rentis habet in vultu; & extincto vir-
tutum Sole, pro stellis faces accendit
lethaliter luculentas, & splendide lu-
ctuosas; quæ copia laudum inopiam

verborum procreante, ab oris silentio traductus ad eloquentiam
oculorum; quæ doloris ingenio quamvis impeditam, exemplo
veteri, linguam enodante, reuocatus ad flebilem usum vocis; at-
que vtrinque confusus ac perturbatus, inter horrorem funeris,
inter mœroris tenebras perspicere satis, ac dijudicare non pos-
sum. Laudes, & eas quidem ad materiam vberes, ad merita
præclaras, ad memoriam æternas, iure sibi vendicant suo,
SCIPIONIS S. Susannæ Cardinalis, nuper ab humanis, uti spes
est, ad diuina transcripti, res præclarissimè gestæ: lacrymas ve-
rò præcipit, & Christiani generis vniuersitas, quæ tantum sacræ
purpuræ lumen extinctum dolet; & nostra præsertim religiosa
familia, quæ non tam beneuolum Principem, quàm prouidum
Parentem sibi luget ereptum. Vtram igitur hic ego præcerpam
dicendi segetem? quem potius orationi meæ campum præscri-
bam? Integerrimi Principis virtutes, quæ sua se luce spectabiles
reddunt, ut perlustrem, earum inuitat copia, magnitudo, præstan-
tia: benignissimi Patris obitum ut deplem, illi maximè debi-
tus grata beneuolentiæ sensus impellit. Si SCIPIONIS vitam
respicio, exornationem requirit: si SCIPIONIS mortem intueor,

complorationem expectat. Lacrymas vocat præfens calamitas : laudes accersit antea acta felicitas . quòd talem habuerimus ordinis nostri defensorem, gratulandum est nobis : quòd talem amiserimus incolumitatis patronum, dolendum nobis est. Quantum bonorum ad nos DEVS immiserat ! quantum nos ad DEVM remisimus ! O nimis illustrem & oriendo nobis, & occidendo Christianæ Reipublicæ Solem . Et nostras ergo lacrymas, & SCIPIONIS laudes vna oratione complectar : siquidem quidquid illi viuenti peperit gloriam, nobis illo carentibus dolorem parit : eruntque propterea tum ipsius laudes lacrymosæ, tum nostræ lacrymæ laudatrices . Vtinam, Auditores, extinctam hanc viuæ probitatis effigiem tam accuratè verbis possem ipse describere, quàm affabrè Princeps optimus, dum viueret, partibus absolutam omnibus formam purpurati Senatoris expinxit in sese : nihil ambigerem, quin omnia prorsus in eo tanti muneris lineamenta, omnes Christianæ ductus integritatis, ac dignitatis tractus agnosceretis . Sed quando multò peritior ille fuit bene viuendi, quàm ego benè dicendi ; superabitur opus à materia : tantarumque sub mole laudum laudator iure succumbet . Quoniam verò ad exprimendam in se spirantem Ecclesiastici Principis Ideam tres præcipuè colores adhibuit SCIPIO, Amorem sapientiæ, Neglectum pecuniæ, Studium pietatis; eosdem ego colores, dilutos tamen lacrymis vsurpabo, ad mortuam eiusdem adumbrandam imaginem, & vestræ humanitatis in bono lumine collocandam .

Augustissimum olim Persarum imperium, vnicè in terris habitum cœlo par, inter innumerabiles regiæ potestatis administratos, quosdam recensuisse fertur, qui Regis Aures, atque Oculi dicerentur . sapienter id quidem . Cùm enim admodum pauca, vt ait ille, vnus aliquis audire possit, aut cernere; cumque plurima Principatus complecti debeat, ac propemodum infinita ; multæ sint Principis aures, multi oculi, necesse est . Geminum hunc titulum & muneris & honoris purpuratis quoque Vaticanæ curiæ Patribus accommodari posse quis abnuat? quando caput illud humani generis à Diuinitate secundum, quod triplici diademate coronatum Christianorum vniuersitas veneratur,

ex Magni Gregorij præscripto , sit oportet intus , atque in circuitu oculatum . Hos verò celsissimi capitis vigiles Oculos ad publicam tranquillitatem excubantes , sapientia præsertim illustres esse decet , ac literarum beneficio perspicaces . Literatos enim viros duplo , quàm alij videant , acutius introspicere , Poëtæ veteris dictum est , an oraculum ? Et varietate doctrinarum Aures eruditæ quàm gloriosè sibi , salubriter alijs operam suam impendent ! Iure igitur Oculi appellatione celebrabitur SCIPIO S. Susannæ Cardinalis ; propterea quòd in omni ferè disciplinarum genere multum vidit , atque in ijs cognoscendis totus penè oculus fuit . quia verò pari erga literas , & literatos viros beneuolentia præditus , hos benignus audiuit , liberalis excepit , facili complexus est animo , meritò poterit Auris , quæ dicata olim fuit Misericordiæ , nomine decorari . Longum hic esset eas enumerare singillatim doctrinas , quibus ille vel à teneris annis expolitus , dignum se præstitit , qui grauissimis Christianæ rei negotijs imponeretur . Vix enim rectis insistere gressibus cœperat SCIPIO , cùm primos fecit passus ad Eloquentiæ spatia : in quibus ingenij , iudicijque sui altè reliquit impressa vestigia . Annorum quippe florem , vitæque primitias , *bonam sortitus animam* puer , non in publica iuuenilium voluptatum via mollium illecebrarum ludibrio deterendas , & conculcandas dedit ; sed annos præueniente maturitate consilij , in sapientiæ templo , ad aram eloquentiæ dedicauit . Hinc ille satis vbere verborum , & rerum copia locupletatus , ad grauiora Philosophiæ , Iurisque prudentiæ studia se conuertit : Sed nusquam fortasse itabiliorem SCIPIO fixit gradum , quàm in eruditione multiplici ex antiquæ monumentis historiæ colligenda . Hanc videlicet adoptauerat ille sibi præ cæteris , & suæ vitæ magistram , & indicem alienæ . Nouerat enim oculatissimæ virmentis , longum iter esse per philosophica præcepta morum ; at per historiarum exempla , compendium : ibi rerum documenta gerendarum in illustri posita eo salubriùs , quo iucundiùs posse condisci . Neque fortasse nescius erat , sapienter Historiam appellatam à Tullio fuisse veritatis lucem ; sine qua exempla omnia iacerent in tenebris , atque obliuionis nocte sempiterna : à Siculo Diodoro custodem vir-

tutis illustrium virorum ; testem improbitatis malorum ; in humanum genus omne beneficam : à Plutarcho speculum , in quo facilè quisque possit ad alienam integritatem componere atque ornare vitam suam : verissimam disciplinam , atque exercitationem ad res ciuiles à Polybio : conglobatam , & coaceruatam sapientiam , hominumq. multorum mentem in vnum collectam à Nazianzeno Gregorio : vaticinandi vim , qua conijci futura possunt ex praeteritis , à Nicephoro Callisto : totius prudentiae compendium à Cassiodoro : ab alijs demum alijs laudis commodique nominibus cohonestatam . Quibus ipse monitoribus ac magistris , consueuerat mentem suam non alia magis pascere , ac recreare doctrina , quàm frequenti cognitione rerum ante se gestarum . Atque inter omnes antiquitatis annales , illi prae cæteris in manibus , ob oculos , & coram præsentissimo animo frequentes erant , qui Christianæ rei memoriam omnem ab ipso fundatae religionis exordio , DEOque in terras lapso , cum pari eruditionis , atque prudentiæ laude complectuntur : quos nempe lumen illud purpurati Senatus , occasus experts , Cæsar Cardinalis BARONIVS diuturnitati temporum , æternitati nominis , vtilitati mortalium consecrauit . In ea quasi pictura vetustatis relegebat SCIPIO ætatis antea actæ res gloriosissimè gestas ; & se quodammodo maior , atque antiquior , assurgebat in contemplationem veteris gloriæ , in admirationem laudum tantarum , in imitationem virtutis , in æmulationem integritatis . Ad eam normam exigebat ille , componebatque vitam suam vniuersam : vt meritò haberetur , ac diceretur ab omnibus vir ætatis quidem nostræ , sed probitatis antiquæ . Hinc illa nascabatur viuendi ratio semper sui similis , eodem tenore moderationis constans , non afflictis depressa rebus , non laetis erecta , successibus ; sine luxu splendida , sine iactatione liberalis , sine fallacijs circumspecta , sine temeritate simplex ; grauitè officiosa , humaniter seuera , opportunè iucunda , modestè beata ; non exposita querelis , non obnoxia liuori , non profusionibus nimia , non avaritia sordida ; semper hilaris , semper continens , semper inuicta : auctoritate potens , integritate præstans , existimatione felix , vtilitate plausibilis , æquitate venerabilis ; vno verbo,

verbo, digna Christiano Principe, purpurato Senatore, Ecclesiae Cardine terrarum orbis molem sustinente. Quod si tanto propensae voluntatis ardore doctrinam atque eruditionem complexus erat SCIPIO; nihilo minore beneuolentiae significatione prosequeretur doctos atque eruditos viros. Testis esto nunc mihi domus illius, non tam principis Aula, quam Regia sapientiae. Eam sibi domum haec designasse praeter ceteris videbatur, ubi frequenter cogeret sapientum Senatum; ubi bonis ac doctis omnibus bene de se sperandi sustolleret signum. Nullum in illis aedibus discrimen erat nationum aut gentium: quosunque censebat eruditio cultores suos, eosdem suos existimabat SCIPIO populares: quosque longinquo terrarum tractu natura seiunxerat, vnius tecti familiaritate iungebat. Et quemadmodum Roma cunctarum gentium patria singulari praekonio dicta fuit: ita Cardinalis S. Susannae palatium, terrarum omnium ac literarum domus optimo iure poterat appellari. Quis vero beneuolentiam exprimat, qua probos, ac doctos homines complectebatur? Quis animi demissioem, qua eorundem facile cedebat ingenio, sententiae subscribebat? quod in eruditis viris tam praeclarum solet esse, quam rarum. Alia nimirum quaecunque naturae bona, vel dona fortunae liberaliter alijs conceduntur:

Qui velit ingenio cedere, rarus erit.

Ad SCIPIONIS denique gratiam atque amicitiam sola patenter inueniebat aditum vel doctrina, vel sanctitas. O pretiosam animam, non auro, non gemmis, sed cunctis opibus potiore sapientia, & morum integritate venalem! Quid igitur mirum, si, qui tanto tenebatur amore sapientiae, ut vna cum hominum sapientissimo eam exquireret a iuuentute sua, & amator factus formae illius praeponeret eam regni & sedibus; & omne aurum in comparatione illius arenam exiguum duceret, & tanquam lutum aestimaret argentum in conspectu illius; quid, inquam, mirum, si diuitias, ambitiosam aliorum mortalium curam, suauem poenam, ac lene tormentum & magnanimo corde contemneret, & liberali manu dispenseret? Vix in amplissimum ordinem purpuratorum Patrum, consentiente bonorum, ac literatorum suffragio, fuerat SCIPIO cooptatus; cum

cum plerique Principum, de more, missis ad eum muneribus, & quasi missilibus, nouum illi, sed meritum, dignitatis gradum gratulari voluerunt. Gratulationem ille, ut vir humanus excepit: munera remisit, ita mihi loqui liceat, ut diuinus. Diuinum enim quiddam est, non capi muneribus; & rectè dicitur: *DEVS meus es tu, quoniam bonorum meorum non eges*. *DEI* quippe dare est, non accipere. quam laudem toto quoque tempore vitæ sequutus est *SCIPIO*, solitus beneficia donare, non vendere. Verum in ea nouellæ dignitatis lætitia, & quodammodo primitijs Purpuræ, Principis vnus auctoritate, & qua tenebatur in illum, grati animi lege coactus est argentea quædam vasa pretij non leuis accipere. Quàm verò inuitus atque alienus inferre sibi vim in eo compelleretur, facile significauit familiaribus suis: ad quos conuersus cum aliquo sensu doloris, In posterum, inquit, gloriari non potero vocibus illis, *Aurum, & argentum non est mihi*. O voces ab Apostolorum Principe ad amantissimum eius consecratorem hæreditario, prope dixerim, iure deuolutas! Eas voces ante id tempus vlurpauerat *SCIPIO*, gloriæ à paupertate deriuans, vnde alij sibi ducunt ignominiam. At enim aurum & argentum, *SCIPIO*, non habebas? qui tot annos in Vrbe Romana, in aulis Principum, in ipsa Vaticana curia, audiendis causis, dijudicandis controuersijs, ac præsertim Pontificijs diplomatis conscribendis, vnde aliquot aureorum millia quotannis prouenire dicuntur, diligentissimam operam elocaras? Quò igitur ista reciderat annuorum summa reddituum? num opes illas in magnificis ædificiis exstruendis, in iisdem supellectili splendida cohonestandis, in amplissimis ædificandis villis, in cõmendis agris, in re familiarum amplificanda à tuæ domus administratoribus impendi voluisti? At diligens, atque accuratus Oeconomus tuus ingenuè professus est, ex tantis illis muneribus præcipui redditibus nihil ad suas manus peruenisse. cumque tu, recens à purpura suscepta, tuarum ædium partem videres vestitam sericis, partem nudam; hanc Scipionis, illam Cardinalis futuram sedem pronunciaisti. Num id totum pecuniæ, sanguine, atque affinitate coniunctis, muneris loco, tribuebas? At palam omnibus est, quàm

quàm parum abreptus fueris amore carnis, & sanguinis : vt propterea, cùm postmodum tuæ sororis filius multis tibi nominibus commendaretur ab alijs, & laudaretur, vereri te dixeris, ne tam multæ, tamque eximix illius laudes agerent te transuersum, atque inuitum propellerent, vt præuaricareris in beneuolentia tuorum. Quorsum igitur illæ opes euaserunt? Facile vobis erit ac promptum, Auditores, id assequi coniectura. Quas à consanguineis abstinebat SCIPIO, quas magnificis sumptibus subtrahebat, quas ipse sibi, suisque commodis eripiebat optimè partas diuitias, eas pauperibus omni affinitate carioribus, omni splendore potioribus, omni commoditate, ac voluntate gratioribus dispensabat. Verum qui fieri poterat, vt id intimos lateret rei domesticæ administratores? Tam ingens pecuniæ summa fugere potuit oculos aulicorum, in sui Principis rebus satis superque perspicaces? O liberalitatem ingeniosam! quæ dum Principis aperiebat manum, oculos famulorum occludebat: & quàm proluxa erat in eroganda pecunia, tam parcam se præstabat in colligenda gloria: & clam hominibus, palam DEO, meritis opulenta, non laudibus, amabat esse benefica, non videri. O geminatum demissi animi luce Christianæ largitatis splendorem! qui quò minus apparebat in terris, eò magis elucebat in cœlo. Illud etiam est huius loci, quod cum Cardinali Cobellutio cuidam nostræ Societatis accidit viro. Narrabat is optimo Principi Christianorum hominum in Hungarica Turcarum ditione summam egestatem, calamitatem incredibilem, miserabilem planè conditionem. quæ cùm audiret humanissimus vir, à lacrymis temperare non potuit. Neque verò steriles, aut inanes illæ lacrymæ fuerunt. sed vt à vera, perfectaue misericordia nascebantur; in aureum conuersæ sunt imbrem, qui desertos illos populos largiter irrigauit. Centum enim in posterum aureos numos quotannis ad cœlestem eorum animorum culturam largiebatur; cum ea tamen lege, vt tanti beneficii fons perennis occuleretur. Nimirum etiam Nili feracissimi fluminum, ac beneficentissimi caput olim ignotum fuisse fertur. Exterarum quoque nationum Antistitem (quas ille plus, quàm patrio, domesticoque amore prosequabatur) infum-

insumptis aliquando quingentis supra mille numis aureis, sacris vestibus, pretiosoque sacrorum instrumento affluenter ornatum remisit ad suos. Verum quod in his postremis liberalitatis exemplis non solum largè distributæ pecuniæ, sed ardentis etiam in Religionem studij specimen eluxit egregium; ad hanc ultimam laudationis meæ partem, SCIPIONIS verò laudem non ultimam, verba traducamus & mentem. Quàm pius in DEVM Scipio fuerit, ipsa commemoret optima virtutum indagatrix atque consultrix, arbitra honorum Roma. narret ipsa, quàm assiduus esset in cultu diuino, quanta religionis propagandæ cupiditate flagraret, quàm rectè sustineret hac etiam ex parte nomen atque personam Christianæ reipublicæ Senatoris. Erga DEI verò sanctissimam Genitricem, hominumque Parentem amantissimam, quem ille filij sensum, quod obsequium deuoti semper animi præseferbat! Satis hoc indicat vltimum illud, & faustissimum iter ad Lauretanam Virginis maximæ domum, paucis ante obitum diebus, piè susceptum, sanctè peractum, felicissimè terminatum. Ad illud corporatæ quondam Diuinitatis hospitium vbi SCIPIO peruenit; vbi parietes illos vidit angustissimos, quibus aliquandiu vixit inclusus, qui coelestium orbium immensitate non capitur; suppliciter in genua prouolutus, animo veneratus & corpore pauperis domunculæ maiestatem; quos ille concepit intimè sensus integerrimæ pietatis! quas liquidissimæ voluptatis illecebras est expertus! quos in amores exarsit; quos æstuauit in ardores; quos erupit in gemitus! in quæ suspiria exuberantem propemodum è visceribus animam, nec benè mortali pectore conclusam latitiæ copiam reciprocavit! Lacrymabatur Princeps religiosissimus: & cor quodammodo charitatis igne liquatum ab oculis exprimebat: sed illæ lacrymæ, gestientis animi risus, amoris erant illicium, non indicium doloris. Plorabat ipse sua gaudia: lætus erat in fletu: qui non amarus amanti videbatur, sed eò maximè suavis, quod beata cordis incendia temperabat. Diutius ibi morari, atque etiam mori SCIPIO voluisset: vt fortiretur tumultum, vbi thalamum virginalem DEI Mater, vbi FILIVS prima elementa vitæ quondam habuerat. Et æquum sanè

sanè fuisset , vt ex eo terrestri cælo , ad cælestem veluti terram deueheretur . Ab æde Genitricis ad sedem Filij facilis erat , ac brevis futura traiectio : per Virginis domum ad complexum eiusdem Virginis amplissimus aditus patuisset . Sed alij Romæ **SCIPIONEM** expectabant comites , & deductores in cælum . Apostolorum Principes **PETRVS** , & **PAVLVS** ; ille cæli Clauiger , hic Mystagogus , remunerandam putarunt religionem , quam in ipsos continenter **SCIPIO** declarauit : dum ad eorum sacra corpora , vel intempestiuo quouis anni tempore , faceret rem diuinam : dum eorundem imagines , ac signa varijs expressa lineamentis vndique conquireret ; ac vel apud se domi venerabundus retineret , vel ad ornandum maximum Templum Viterbiense transmitteret , & patriam suam suis delicijs , diuitijsq. cumularet : dum rebus , ac verbis , animo & corpore , priuatim ac publicè singularem in eos amorem , atque obsequij promptissimam voluntatem profiteretur . Parant ergo iustissimi Iudices , Ecclesiæ Principes amoris beneuolentiæ vicem , officio gratiam , præmium pietati . Romam Laureto reuersus Cardinalis Cobellutius , tanquam impetrasset à Virgine non tam abundi , quàm obeundi facultatem , grauem in morbum , & mortem proximam incidit . Quo tempore , humanæ vitæ difficillimo , nouum **SCIPIO** religionis cum Christiana magnanimitate coniunctæ specimen dedit . Cùm enim perniciosissimum vlcus è brachio cum sensu vehementissimi doloris refecandum esset ; de tanta acerbitate præmonitus , Agite , inquit , secate , vrite , discerpite . grauiora multò perpeffi sunt **CHRISTI** Martyres . & illi quidem immeritò : meis verò criminibus atrociora tormenta debebantur . O præstantis animi sensum æquè fortem , ac pium ! Hauferat hunc ille fortassis ex aspectu , & veneratione frequenti cuiusdam forcipis sanctorum hominum cruciatibus consecratæ : quam ipse pluris thesauris omnibus æstimabat ; ac tanquam hæreditatis appendicem longè pretiosissimam Viterbiensi Collegio Societatis nostræ reliquit . Beatorum igitur Martyrum exemplum sibi **SCIPIO** proponebat : vt etiam in suo lectulo decumbens , eorum virtutem , quâ posset , imitaretur . Iamque vicina mors imminebat : imò plerisque medentium,

tium, pro ratione ac tempore morbi, senior præter solitum; ac seignior videbatur. Dies tandem aduenit, quam Apostolorum sanctissimis Coryphæis PETRO, PAVLOque dicatam anniuersaria summæ lætitiæ significatione celebrare Roma consueuit, eorum expiata laboribus, eorum sanguine purpurata. Mane igitur eius diei, cum ad aures illi religiosus vir insurraret, eam ipsi carissimam affulisse lucem, quæ sanctis cum Apostolis sociaret; Hac vespera, respondit, hac vespera cum illis ero. Siue optantis hæc fuerit vox, siue diuinatio præsagentis, siue prædictio diuinitus prænoscentis; assequutus est, quod optabat; euenit, quod diuinabat; exitu probatum est, quod prædicebat. Eadem illa vespera profectus est ad sempiternam diem. O vesperam tibi, SCIPIO, maximè luculentam. O felicissimam, potius æternæ lucis auroram. Vespera nobis illa fuit, & Christianæ Reipublicæ, tam salutari, tam benefico lumine tunc orbatæ: tibi verò diluculum eius diei fuit, quæ non habet occasum. Tuque doctrinæ, doctorumque Sol illustrissime, tu Sol dispensator opum largissime, tu pietatis studio Sol verè cælestis, ad exemplum Solis alterius, dum nobis occidisti, superis exortus es in æternitatis beatissima luce. Nullam tibi diem illuxisse crediderim ea clariorem, quam Principes Apostolorum sua morte, aut veriùs natali suo consecrarunt: quaque tu die terris mortuus, ut existimare par est, renatus es cælo. Fuit quidem, dies alter natalis tuus parenti tuo lætissimus; siquidem, te nascente, creatus ille fuit Viterbiensis Urbis Conservator; simulque lucem hausistis, honoris ille, tu vitæ: fuit idem tibi quoque solennis, quòd eo die purpuratos inter Patres coopratu fuisti; ut verè dici potueris natus ad purpuram. Sed ille tibi multò felicior, quo non inter Purpuratos terræ, sed inter cæli Candidatos transcriptus es. Illius diei Lucifer, Hesperusque fuere tibi PETRVS, ac PAVLVS: quorum alter huius vitæ noctem, alter æternam aperuit diem. Hæ tibi stellæ prosperam in cælum nauigationem donarunt: hæ tibi præluxerunt in tanto itinere faces: hi te duces in patriam felicissimè deduxerunt. Iuisti tandem, SCIPIO, quòd tua te merita prouehabant, iuisti. Tene regna, quæ debebantur integritati tuæ. Procul ab humanis

mise-